

上海縣續志卷二十

藝術

張麟祥

子世臻

世涵

戴仁

子鴻

張乾佑

子燧

黃憲章

父炳南

蔣節

曹鍾坤

張士雄

子子香

陸文雄

陸銘

錢若金

子長喆

維翰

秦始道

應文烈

陳亦保

子能澍

張興芝

弟之樹

瞿景瑞

子本魁

沈源

子學鏞

學禮

王道

吳錫灝

張紹麟

周樹春

趙仲華

上海縣續志

卷二十

一

朱書

從子升庭

鈕如林

馬斯才

馬嘉玉

楊文忠

弟思忠

汪森增

徐祥

徐基德

毛樹澂

徐鑑亨

黃梓

金熙

顧朝楨

子銘照

徐允臨

父渭仁

吳修之

沈維裕

吳華山

曹鍾秀

王光熙

徐楫

董繩武

顧如梧

王萃祥

蘇鮫

張孝庸

顧炳和

龔浩然

趙增恪

父光昌

兄增德

附載

李曾福

夏鼎

胡迺能

史松茂

高第

楊德馨

于秋亭

孫毅齋

葉棟

子其淵

周之楨

凌一飛

徐錦堂

高椒

陳祖欣

張學寬

張麟祥字玉書

號黻堂

克振

見前志

孫祖父俱以醫名麟祥益進

其業治病能斷人生死遇貧病私以銀幣置牀間一日囊空

上海縣續志

卷二十

二

乏資僞以金飾遺地病家拾還之麟祥笑曰非吾物也囑以
兌資購藥嘗語子弟云病者得資心寬投藥易愈其憐貧好
施如此咸豐初赭匪劉麗川作亂麟祥以父喪未葬不忍離
城城陷幾瀕於死幸匪多重其名營救得免後因食河魴中
毒適在道不及施治歸家旋卒子世臻字曉雲世涵字竹雲
世煜字蔚雲俱傳其業世臻治傷寒尤有奇效

殊畧茲
另列傳

麟祥事
前志
附見克振傳

戴仁字秋翹以醫為業與張麟祥同重於時兼長篆刻子鴻

字蘆溪能繼父業工繪事尤善梅花

張乾佑字健行

號惕夫

化麒

見前志
術附載

子精醫尤擅長傷寒暨

婦人科貧病不受酬並給藥資無德色卒年八十有五子燮

澂字靜溪

號清志

庠生亦以醫名外科尤長

黃憲章二十八保人父炳南善醫憲章世其業鄉人某求診
憲章謂今雖愈明夏必死果驗父子著述甚富惜燬於兵
蔣節字幼節號香葉工詩古文詞長於金石考据之學書法眉
山兼擅篆刻摹漢尤精客遊蘇浙間經歷山水幽勝因悟畫
理作倪黃小品落筆不凡卒於吳門

曹鍾坤號載山性澹泊與無錫徐壽金匱華蘅芳南匯賈步緯

研究算術故測繪特精同治中南海馮焜光創辦江南製造
局延主工程事垂三十年局中大建築多出手定晚號芸溪
老人暇輒寫山水以見志以長孫汝霖仕贈外務部侍郎晉
一品封

張士雄字谷香法華人家世業醫以幼科著至士雄兼通大
方所治輒效粵匪亂陷賊營事平歸里子子香性聰穎得父

上海縣續志

卷二十

三

傳年未弱冠代父出診某姓兒甫三歲病諸醫束手莫測病
源子香至兒母以其少慢之子香詢兒母曰抱是兒時得弗
甫舉手兒卽啼乎是胎瘡也兒母驚曰然藥下病瘳人服其
神技

陸文雄字甸欽號霞江世居南門外喜詩文精堪輿與賈履上

齊名且深相契焉

陸銘字又新閔行人能詩工繪畫傳神酷肖寫墨龍棧道尤
爲世所珍著有橫溪散人詩集一卷

錢若金號靜齋庠生塘灣人世業醫乾嘉間國學生禹珍蒼壁

鶴山三世相繼以婦人科知名投劑立驗若金鶴山猶子也
得其傳嘗言良醫比良相業此以活人也計較酬資厚薄隘
矣性好善貧病助以藥資道光時舉辦本鄉恆裕堂施棺掩

埋殫竭心力並周給親族之無力者卒年七十有一子長喆
字粹卿諸生績學早世次維翰字亮卿諸生亦明醫理著有
藥性辨論

秦始道

號貫卿

惟梅

見人物

從子善畫梅菊書法韶秀尤工植胡

盧能用套板使成方長六角八角形式備具人物花鳥篆隸
紋惟妙惟肖巧奪天工

應文烈字銘勛一字少璩

號鶴橋仙史

北橋人內行敦篤與物無

町畦喜讀易曰手一編以自娛間作詩古文詞冲夷和易一
如其人手輯宗譜體例精審善漢隸工楷法兼長堪輿學遠
近延聘至則爲之指陳得失審斷吉凶而其意專以勸人速
葬不使久淹親匱爲主晚與郡增生陳亦保諸生黃紫垣武
生張彬布衣朱采以明心寺綠玉山房爲詩酒雅集處時稱

上海縣續志

卷二十

四

北橋五老著有地理核要三卷卒年七十

陳亦保字肅庵北橋人府庠生工書精醫閔行巡檢沈祥煥
素無疾亦保決其將患心懸氣怯證未幾果驗亦保愈之人
以爲神著自訟齋醫案四卷卒年八十有二子能澍字肖巖
承父業善地理尤長鍼灸著鍼灸知要一卷

張興芝

號蓮君

世居小南門外倉灣工書畫兼善鐵筆道咸間

名噪甚時有南倉白紙扇無有不蓮君之諺弟之樹

號希棠

亦

善書畫鐵筆

瞿景瑞字芝卿高行人性友愛邃於醫善治癰疽奏刀去腐
心手敏妙子本魁字梅圃繼其業爲貧者療治尤盡心力

沈源字怡亭一字儀廷三林塘人世業醫至源益進精傷科
里人某爲盜所傷腸出無生理源治之應手愈又善畫蘭工

鐵筆推重於時子學詩號鏡恩貢生善行草書性和而介尤

愛才及門中有寒士恆卻脩脯而時賙之次學禮繼承醫業
孫孟鏞學詩子字儷笙諸生工書兼善墨蘭清介拔俗有父
風云

王道字海鷗號鋤園嗜書好古力學不倦臨董香光書深得三

昧晚年造詣益粹真力彌滿骨老氣蒼曾遊日本彼都人士
爭購其書

吳錫灝字杏村龍華人父省三善痘科錫灝繼之博通醫學
名聞遐邇性好善值夏疫錫灝設施醫局於漕河廟全活甚
眾

張紹麟字鶴峰引翔港人工寫人物繪荷花尤精著色鮮綻
經久不變年八十餘卒時同里周樹春字杏橋專精書畫行

上海縣續志

卷二十

五

書得南宮筆意恆爲紹麟題畫人稱雙絕

趙仲華字蓉堂好學精醫尤擅幼科所活小兒無算遇貧家
請輒步行至其家並反其金門弟子極盛多得時名

朱書字擁予號湘城國華見人物補遺三子附貢生幼多病研閱方

書洞知奧竅遂以醫名好吟詠得詩三千餘首晚年刪存七
卷猶病其多句詩友青浦金玉同邑賈履上更選定之旁通
堪輿家言嘗改正蔣氏水龍經惜稿已佚光緒三年卒年七
十有五所著見藝文弟英見人物英子升庭字蘭第晚號悟餘
附貢生弱冠病咯血從書習醫能傳其學天性冲粹與物無
忤而動履規繩篤信孟子守身事親之說著爲家訓光緒三
十四年卒年七十有五以子壽朋仕贈三品封

鈕如林字石帆馬橋人工小篆精繪事兼長鐵筆所繪松鼠

葡萄邑人士咸珍愛之卒年八十

馬斯才字翰臣荷巷橋人博覽星卜地理諸書葬家延之取酬不苟恆語人曰人死入土爲安禍福能豫決耶人咸服其知言著蔣氏古鏡歌句解及地理辨正淺釋均未竟卒

馬嘉玉字雲亭彭家渡人事母孝精醫學尤擅小兒科深夜求診必徒步往應時稱長者

楊文忠字尚彬號檀園漕河涇人性誠謹精醫術又善天文推算日月食法捷而率密道光季年歲歉捐貲助振獲獎議敘

子孝徵孝三均旌孝子另有傳弟思忠字心蘭續學工書尤善弈道光間國手馬士元來訪與對局不能勝故談弈者推爲一時冠

汪森增字柏甫原籍徽州遷高行至森增已三代入邑庠性

上海縣續志

卷二十

六

伉爽急公好義洪楊之亂辦團練衛鄉里地方公益無役不從善風鑑識黃晉於童子時以女妻之後黃果爲名孝廉又精堪輿得蔣大鴻真傳門下極盛及卒門弟子私諡曰清剛子錫昌字拜言邑庠生肄業龍門書院後游幕燕薊以佐治永定河工保縣丞

徐祥字小倉花卉法山陰任頤卻能自出機杼間作山水時評謂與胡遠楊伯潤殆堪伯仲妙解音律雅善崑曲

徐基德字振生號礪庠生同治初年入龍門書院講求經世

之學精算術光緒四年與邑人張煥綸范本禮等創辦正蒙書院充教習十餘年以善誘稱課餘研究化學及醫理並工鐵筆所著見藝文

毛樹澂字春孫別字澂伯篤學好古工鑑別收藏圖史多精

品廣翰墨交游樽酒談藝無虛日橫雲山民胡遠館其家有
年樹澗書畫益進書法晉唐畫梅蘭竹石常與江浙諸名家
合作沆瀣一氣觀者歎美性慷慨好施周恤貧寒無少吝
徐鑑亨字小巖精醫從寶山黃通理遊盡得其傳求治者輒
奏效性仁恕臨診實心貧病給藥遇急診不俟駕深夜遠道
必往所著見藝文

黃梓號巨卿高行人世家子風度翩翩晚境落拓窮而不濫工

丹青能傳神尤精花鳥

金熙號慎齋性耽金石精楷書及篆隸並工鐵筆鐫石章深得

秦漢古印諸法著有靜學齋印譜待刊

顧朝楨號苑春原籍南匯以赭寇亂避居滬南家焉善製人物

雲片法以彩色染粉調餠作饀鑿成人形起立坐卧栩栩如

上海縣續志

卷二十

七

生時稱絕技壽至八十有六子銘照號雨田能書善弈嫻於音

樂尤長琵琶晚年精究醫理性愛蓮家園所植多佳種恆分

贈同好以爲樂

徐允臨原名大有號石史諸生父渭仁善書尤長漢隸能鑒別古帖

時人推爲鉅眼重樵石刻爲世所珍見藝文補遺允臨工書畫酷

嗜金石蒐藏頗富邑城北徐園詩會輒與吟詠善寫墨蘭清

疏絕俗亦一時之選

吳修之字梅史諸生庠名學鴻字次雲天姿穎異筆下飄飄有凌雲

氣爲友人詩文竄易一二字頓覺新穎奪目人故樂以詩文

就正通禪理精醫術工畫花鳥隨筆揮灑神致生動尺縑寸

楮人咸珍之

沈維裕字益甫號甫附貢生花翎三品銜刑部山西司郎中

精琴工畫花卉逼真南田善隸兼北魏體雅量高致不輕以書畫贈人久居京邸歷俸期滿截取知府未及引見卒所著見藝文

吳華山精麻衣柳莊相術決人禍福奇驗求相者踵相接酬以金則卻之曰我無福相非爾金所能致富有茶癖或贈佳茗則喜形於色云

曹鍾秀字擷亭垂璨見前志八世孫爲人敦樸和易畫師錢貴

昌入其室同治五年製造局建廠偕西人繪廠圖後專司局中繙繹館繪圖者四十餘年成圖五十餘種聲光化電汽機軍械罔不備卒年七十以子永和階封四品

王光熙字旭生世業醫至光熙益進尤精兒科求醫者坐常滿西人某生女瘡甚僉謂難育聞光熙名踵門求治未幾與

上海縣續志

卷二十

八

常兒無異西醫咸歎服

徐健字墨君善書工詩尤精醫理遇貧病不俟駕卽行曰貧者全家仰食不速痊妻子凍餒矣著有傷寒論辨正四卷董繩武字蘭卿二十三保十六圖入世業醫精算術咸豐間青浦丈地局延任測量事旋窮究醫理尤以婦科時疫得枕中祕著有家庭醫話

顧如梧號子卿工書精醫爲人治病雖不可爲者必實心治之未嘗驚病者家人以此多之

王萃祥字元度號善子新橋人歲貢生八歲失怙哀毀如成人日稟祖訓夜奉母教粵匪之亂廬舍蕩然家世業醫自明太醫院院使王緒以來代有聞人萃祥幼學之暇並精研內經及歷代名人著述中年後絕意進取專以醫術活人遇劇症

輒獲效諸醫斂手推服家雖貧不較錙銖西鄉之受惠者尤眾卒年七十餘

蘇蛟字夢漁性恬淡不慕榮利弱冠工書魄力雄厚尤善擘窠大草至晚年益進自成一索書者踵至弗之靳嗜酒豪飲知者恆以酒易書生平慷慨好施不治生產嘗謂欲圖興國非推廣教育不可時人皆壯其言光緒壬寅卒年六十有四

張孝庸號平甫三十八保人庠生隱逸自高工書法真草隸篆無一不精繪山水尤蒼古精岐黃術病家邀之立至年六十無疾而逝

顧炳和字竹亭陳行人幼慧家貧習圻稍長徧遊名勝輒有心得凡繪畫雕刻形像畢肖浦東名廟雕繪皆出其手其古

上海縣續志

卷二十

九

拙處尤勝常熟翁氏築別墅倩炳和工作精緻冠諸匠

龔浩然字少峰高行人世業農至浩然始讀書精醫理治傷科尤有心得著傷科指要三卷

趙增恪字季笛祖梅見前志趙柄傳由高行遷居松江父光昌字韻

茗湖南二幫衛千總改知縣用嘗承先志捐資重葺十七圖宗祠知岐黃術增恪幼承庭訓博覽醫書治病有奇驗由附貢生遵例納粟爲大理寺右丞截取同知分浙江以京師官醫局勞績保知府用浙大吏委銅圓局差未經詳奏牽累被議去職歸裝蕭然以醫濟世工書通畫理有志撰述未竟而卒惟有鐵如意齋治驗錄一卷卽京局醫案也兄增德字聰伯諸生增愷字雲叔太學生光祿寺署正銜均工書早卒

附載

畧以藝事相類者爲次

李曾福字仰山二十九保人工書兼擅繪事尤長蘭竹

夏鼎字韻笙閔行人工隸書長鐵筆家無恆產藉此自給

胡迺能字雨巖二十九保人善畫白菜疏淡有神 史

松茂字華彩二十二圖人工詩善畫墨菜 高第字賦蓉

閔行人工山水惜早世所作不多見 楊德馨顛橋人精

醫求診者輒應手愈子秋亭善治傷寒孫毅齋善治瘵疾

均能世其業 葉棟字松雲高行人長於婦科年八十卒

子其淵能繼其業 周之楨字文元號 瑤 巖性謹厚精醫不

受貧戶酬且周給之 凌一飛字筍香世業醫至一飛益

進居邑之閔行鎮鄉里間多稱之 徐錦堂字杏圃居引

翔港業醫貧病不計直晚居虹口客商就醫日眾名重一

時 高椒號 梅 桐閔行人諸生精醫治療疾尤長 陳祖欣

上海縣續志

卷二十

十

號 憩 棠二十六保人性孝友精天文堪輿歷試不爽 張學

寬號 坡 亭陳行人通堪輿術無不奇驗勸速葬不計酬鄉里

稱之

藝術補遺

莊公瑾

童 時

侯孔釋弟 孔 鶴

何三傑從 子 萬 仞

沈 暹

顧壽潛

周 官

陶唐侯

陶 然

陳天門秦 鳳 嗜

瞿 淳

朱 洪

盛 鈞

胡 忠子 世 芳 孫 聿 田 世 華

趙文鎬從 弟 文 敬 從 子 秉 深

文 鈺子 浚 秉 潤

朱 嶠

徐克潤 弟克溶

李桂 子熊

紀大復

王錫琳

徐本仁 陳光烈

馬昂

顧錫弓

顧曾錫

孫錫梅

顧以禮

李僊根 曾孫崇基

錢文彥 子荆山

沈念江

吳達 子荆山

張廷槐

劉復初

曹啟棠

王森蘭

印廷寶 子文奎

鮑文炤

張文彪

侯士鶚

李浩

計逸

上海縣續志

卷二十

十一

孫榮祺 子陞聯

附載

侯承慶

陸培南

張欽之

莊公瑾明永樂間寓蘇州葑門能詩善草書尤長於畫師法

馬遠夏圭 同治蘇州府志作松江青鎮人茲據補惟前志

童時字尚中 江號後 明諸生居龍江工畫精於鑑別嘉靖間著

皇明畫史三卷尤長於詩弟冕字尚周 齋號復 善楷書行草 隄紫

志村

侯孔釋字季如 未號四 諸翟人明諸生堯封四子工書精堪輿

術又喜禪學弟孔鶴字白仙 弗號五 學神仙術不入城市工詩

畫善草書有白村堂帖卒年七十有四 上谷族譜

何三傑字士偉號憶巖居士性誠慤以長者稱好臨池不事舉業

善繪山水與酣落筆雲煙縹緲咫尺萬里晚年技益進求者

日衆三傑揮汗呵凍應之不少靳從子萬仞字君山書畫亦

有心得力學早世

沈暹前志選舉表洪武間進士沈暹與此係二人字震彩諸翟人明末時家產爲

奴攘奪暹舌耕餬口好岐黃術手鈔方書達數百卷卒年七

十有七東陽家乘

顧壽潛字旅仙性高介不求聞達工畫董其昌嘗稱之尺幅

片縑人咸珍重著有煙波叟詩草嘉慶志已載前志刪之今從府志仍列入

周官前志選舉表順治間舉人周官與此係二人字伯元幼習舉子業喪父食貧

乃業醫諸方書無不洞曉而保嬰尤稱神妙年八十卒有痘

疹彙纂諸書嘉慶志已載前志刪之今從府志仍列入

上海縣續志 卷二十 十二

陶唐侯字舜牧陶家橋人精醫術康熙初葺南村草堂與名

流觴詠其中卒年七十有七紫隄村志

陶然字浩存三十保人精醫康熙某年癘疫流行競延診治

雖殆必起卒年六十有六紫隄村志

陳天門陳行鄉人精拳術技擊力能舉松江提署雙石獅其

徒秦鳳階傳其藝擒劇賊朱明以勇敢聞

瞿淳號瀛若歲貢生選鳳陽訓導博學工詩尤善書法少得異

人祕授精武技與甘鳳池齊名而性和謹若無能者川沙志

朱淇字武瞻號蔚山會元錦從子諸生授州判博雅能詩尤工

書法臨米海岳可亂真著有聽雪廬稿府志

盛鈞字邦直邃星命之學尤精堪輿爲人擇地葬親救貧決

科多奇中同時張采文凌吉人葉彭年戴鴻均以術稱府志

胡忠字筠莊號翔定庠生善詩文工六書八法挹漢魏以來諸

家筆海源流悉心研究引據專條參以論說著成筆海蠡二

卷子世芳善繪蘭世華亦能詩孫聿田字鋤非號扶陽道人以周

易決六壬數奇中精堪輿尤耽吟詠著正己居詩稿四卷同

治間充法華鄉約生妙語解頤聽者不倦參法華鎮志

趙文鎬字思雍自號畫癡文哲從兄工丹青為一時宗仰從學甚

眾曹雲出其門著畫譜見前志子浚字凝善從弟文敬字省

庵文敬子秉深字桐高均善畫克傳文鎬衣鉢從弟文鈺字

禮叔一字幼清文哲母弟嘗遊吳越間抱璞自珍未經用世

精鐵筆子秉潤字德良幕遊楚蜀皖越間幼承家學亦精鐵

筆著有桐陰館印存前志附文哲傳殊畧茲另列傳

朱嶠字赤城號巨山山水學元人出入叔明子久間淺絳渴墨

上海縣續志 卷二十 十三

極沈鬱可愛草蟲花卉細膩不減馬扶曦其寫生荷花獨出

新意又善寫真遺貌取神近視幾不辨眉目而其人為誰某

又無不望而知之喜作徑丈高松畫山水用長留天地間印

與花鳥用古淡印皆為得意之筆前志附見子霞傳殊畧茲參府志及滬城備考補

徐克潤字田瑛號蘭谷諸生嗜詩酒喜花木工水墨山水法宗

宋人著有畫學源流雲間畫史各種見前志弟克溶字鏡涵

塘號蓮精醫深研靈素諸書嘗言吾於儒書讀一二十編即熟

於醫書必二百編始已恐不精熟致誤人也嘉慶間與修邑

志卒年六十有二淞南人物志

李桂字秋芳二十二保人邑諸生孝友任卹精幼科嘉慶十

六年重游泮水子熊廩生亦精幼科所著均見藝文

紀大復字半樵閔行人布衣生平耿介不事上交鐵筆在文

何之間工隸篆善山水惟畫不多作得其片紙者咸珍愛之

參府續志瀛壖雜誌

王錫琳字滌齋先世業醫錫琳承其學殫精覃思活人甚眾兼好吟詠繪墨蘭年七十猶手不釋卷

參府續志川沙志

徐本仁號夢熊二十二保二十五圖人監生精眼科應手輒效

其壻陳光烈號雅樓監生得其傳名於時

馬昂字若軒顓橋人幼岐嶷居郡城西郭貧無以治生至為人苴履有米肆主招之始易業肆主深夜聞昂書聲知其好學乃勸令勤讀昂益發憤見士人輒執禮求益里中耆宿聞之叩所學則穎悟過人教以詩古文皆通曉昂曰學貴有濟於世於是鑽研靈素博通方書會郡人仕保陽者招入幕間為人治病應手愈保人誦之歸里後閉門著書精小學識奇

上海縣續志 卷二十 十四

字兼愛古錢著錢譜見佳山水輒圖之晚年學益進郡中葉氏藏名人畫而王翬畫尤夥昂一臨撫便得其神髓論者謂

松人畫師王翬者昂為最咸豐初年卒

府續志從華志作華亭人然華志於昂傳

注云居顓橋婁續志則稱世為上海顓橋人其為邑人無疑茲據補

顧錫弓字藏侯顧家路人邑諸生品行端謹工詩善畫蘭露葉風枝瀟然拔俗流傳頗廣兼精鐵筆所著見藝文

顧曾錫字今堂高行人附貢生孝友敦品工詩文試輒優等能書尤擅畫山水宗小米淡遠入神後得朱嶠寫生法荷花

最妙人尤寶之墨竹不落恆蹊所著見藝文

前志附顧偉器傳稍畧茲另補

孫錫梅字象可二十二保人性閒雅少習舉業不售中歲怡情筆墨山水人物氣韻渾厚摹歷代名家本尤神似

顧以禮字典三二十二保十四圖人精繪事傳神畢肖摹古畫尤擅長

李僊根字澹凝閔行人林松見前志兄父鵬冲精醫僊根幼承

家學靈樞玄素無不參究家藏醫書數十種悉下丹黃先未知名有鄉婦產後病癰僊根治之即愈人咸歎服名遂播曾孫崇基字蘭言性耿直工書善繪山水花卉以早世故少流傳

錢文彥字秀昌號松溪虹口人精傷科接骨入髓諸法嘉慶戊

辰獄中有自勒圖盡者文彥治之應手愈邑令蘇昌阿給額以酬工詩晚年學益進與諸名人多唱和之作引翔港志

沈念江字源崑號敦堂精醫尤長外科以濟世爲心製藥劑不

惜重資治愈任人酬值母陳苦節念江爲徵詩表揚

上海縣續志

卷二十

十五

吳達字秋帆漕河涇人武生習拳術旋棄去好學工吟詠尤精醫善傷科遇異人授秘方配藥施送累著神效子荆山字江樓亦精醫以壽得恩賞

張廷槐新涇人精醫有張氏婦病且殆廷槐治以砒石吐百足蟲數日而愈

劉復初長橋人精醫尤長痘科病家求治不計酬徒步往診酷暑亦然

曹啟棠敷錫見人物補遺孫道光五年順天舉人工古文著有壓

綾集兼工書畫善繪棧道尤擅鐵筆得者寶之著作甚富經兵燹散失殆盡

王森蘭字國香號少維引翔港人庠生工詩善繪事魚鳥蘭竹

蔬菜各擅其長道光六年南漕海運森蘭繪海道運船圖由

大吏進呈御覽稱旨歲饑森蘭襄辦發振貧民德之引翔志

印廷寶字華甫號儒珍又二十二保三十五圖人善畫山水

人物繪蜀道尤工巉巖峭壁彷彿劍門灩澦諸名勝蜀棧行

旅多策蹇故益善畫驢性嗜酒醉後揮毫有嶽崎磊落之致

雖日繪數十頭無相同者嘗謂鄭板橋畫竹胸無成竹余畫

驢亦然顧性耿介非素交雖重資靳勿與以是流傳甚少晚

自署畫冊曰老儒人亦以是稱之子文奎能世其業

鮑文炤字鏡人二十二保三十五圖人諸生精堪輿術沈靜

寡言不慕榮利道光間與印經等創建懋仁堂經辦施棺掩

埋諸善舉不遺餘力

張文彪字景岳號鶴青三十保人諸生精堪輿術遠近輒以舟

車來迎兼明五星命理著有星學祕要七卷紫隄村志

上海縣續志 卷二十 十六

侯士鶚字翼雲號雪亭工書得陶步蟾師承專功臨池出入顏

柳之間詩畫亦有逸趣參紫隄村志

李浩字杏坡號南浦間人閔行人諸生道光間歲歉以館穀不足

供甘旨遂習畫工南田派尺紙寸縑得者珍之

計逸字克楨陳行鄉人性樸野精醫尤長婦人科治診不計

酬雖風雨徒步往尤為人所難

孫榮祺號松舟三林塘人精岐黃尤擅外科地方善舉慷慨勇

為時人重之子陞聯號蓮生能世其業

附載畧以藝事相類者為次

侯承慶字燦東號雲巖諸翟人庠生工篆隸真楷與朱孔揚

續輯紫隄村志上谷族譜陸培南字扶九庠生善繪山水倣

古得其神理 張欽之善詩古文兼工墨竹

附 藝術考證

毛漢齊行本志 推列藝術川沙志 陸肇祺前志 陸懋蓮本志

列入補遺張鵬萬 列入志陸懋蓮 陸懋蓮本志 陸懋蓮本志

應從前志張鵬萬 列入志陸懋蓮 陸懋蓮本志 陸懋蓮本志

有漁家樂圖茲查引 翔入補遺應從前志 陸懋蓮本志 陸懋蓮本志

欸題及圖章係陸湛蓮香港遠字樣懋字應更正